



INVITAZIUN

ad en'occurrènz d'infurmaziun publica digl cumegn da Surses,
mesemda, igls 11 da favrer 2026, allas 20.00,
an Sala Grava a Savognin

Stimadas abitantas, stimos abitants

Igl hotel Cube a Savognin è siva da ples onns veid. Siva da stentas intensivass per ena reavertura sa dat ossa agl cumegn la pusebladad da cumpar igl hotel ed igl bietg annex.

Igl è planiso da cumpar l'immobiglia e da surdar igl bietg digl hotel scu gestiunaria a l'Uniun albierts da giuventetna svizzers e da catter en locatari pigl bietg annex. Uscheia ins pudess sierar d'ena vart l'infrastructura strategicamaintg impurtanta agl areal Leusch ed augmentar la creaziun da valour turistica e dall'otra vart impedeir cotras tg'igls bietgs restan anavant veids e tg'els geian pi e pi an muschna.

Per en tal pass dovrigl igl consentimaint dalla radunanza communal e digl cumegn d'urna. Perveia dall'impurtanza digl project anveida la suprastanza communal la populaziun ad en'occurrènz d'infurmaziun publica. La fegnameira è d'infurmar las persungas interessadas a taimp e detagledamaintg davart igl project, per pussibilitar ena furmaziun dall'opiniun fundada an vista allas decisiuns communalas correspondentas.

Program:

1. Bavagnaint ed introducziun
2. Preschentaziun digl affar e consequenzas per igl cumegn / per la destinaziun
3. Preschentaziun digl concept da menaschi
4. Discussiun

Ultra dallas abitantas e digls abitants èn anvidadas er otras persungas interessadas all'occurrènz d'infurmaziun. Percheigl vign manada l'occurrènz excepziunalmaintg per tudestg.

Suprastanza communal Surses

Daniel Wasescha
mastral

Giani Spinatsch
scrivant da cumegn

Tinizong, igls 27 da schaner 2026